


叢書集成續編

一九六

新文豐出版公司印行


叢書集成續編 第一九六冊目錄

文學類



文別集——清

夢花亭駢體文集四卷·····	清	陸長春撰	吳	與	一
學詒齋文集二卷·····	清	薛壽撰	廣	雅	三九
何文貞公遺書六卷·····	清	何桂珍撰	雲	南	六九
補輯朱子大學講義二卷·····					七三
何文貞公文集二卷首一卷附錄一卷·····					一一〇
通義堂文集十六卷·····	清	劉毓崧著	求	恕齋	一四一
廣經室文鈔一卷·····	清	劉恭冕撰	廣	雅	五二一
季仙先生遺稿一卷補遺一卷·····	清	徐時榕著	四	明	五四九
芙村文鈔二卷·····	清	沈豫撰	花	雨樓	六三一
歐餘山房文集二卷·····	清	丁桂撰	吳	興	六七一
待堂文一卷·····	清	吳懷珍撰	半	厂	七一五
補園臚稿二卷·····	清	包履吉撰	四	明	七二九



吳興劉氏
嘉業堂刊

夢花亭駢體文集目錄

卷一

送吳鑄生先生主講乍浦滿洲書院序

吳右厓鶯湖泛懼圖序

謝范小庭餽高麗葎啟

釘盤韻事詩序

吳右岑憶花詩序

黃柳橋先生秋夜填詞圖題詞

書魏于雲事

謝吳子音先生惠漆沙硯啟

約同人聽陳雲圃女郎彈琵琶啟

夢駢目

春塋視殯圖記

卷二

范白舫先生茗溪漁隱詞序

范白舫先生茗溪漁隱詩序

范白舫先生漢口叢談序

秦公嘯廬傳

李君鐵笛傳

于問樵聽香樓詞序

葉子良桃花瘞瘧圖題詞

董蓮厓先生知州買辭圖序

孫九靈秋窗雨雨圖序

俞譜華數帆亭圖序

卷三

劉茗漁先生憶書圖序

董壺山先生紫藤花館詞序

嚴節母陳太孺人徵詩啟

顧榕屏先生橫山草堂圖序

柳河東小集序

飲香樓詩序

臨野堂圖序

蕉窗讀畫圖序

與紫陽監院陳琴齋孝廉書

夢駢目

與殷譜經編修書

卷四

宋岳續忠侯像贊

宋岳鄴侯像贊

孝子岳冰庵先生贊

顧湘舟五十壽序

葉漁莊五湖漁莊圖序

知州銜候選布政司經歷扶九葉君詠

董雲帆先生像贊

葉清甫補華精舍圖序

葉漁莊太湖竹枝詞序

侯選州同知漁莊葉君誄

夢駢目

三

夢花亭駢文集目錄

夢花亭聯體文集卷第一

吳興叢書

烏程陸長春瓣香著

送吳鑄生先生主講乍浦滿洲書院序

今使短衣射獵夜臥南山匹馬從軍晨征北漠盾頭磨
墨草露布干言塞上吟詩奏饒歌一曲折玉關之楊柳
時聞勒勒之聲譜羌笛之梅花頓換伊涼之調將相何
曾有種男兒亦足以豪然而弓矢常囊烽烟久靖才人
捫蝨何處談兵壯士聞雞輒思起舞毛錐擲去空懷殺
賊之心金印懸來未應封侯之驗於是輕裙偶曳短刺
自通鼓角開戟筵肅鼓鼙鼓銅鐙入幕府而高歌帳
列銀刀向軍門而長揖朗誦六韜之記部將傾聽能開

夢駢一

嘉業堂校刊

五石之弓健兒昨舌如吾鑄生先生者何其壯也先生
文陣雄師詞壇老將筆花怒放血戰千人詩律精嚴長
城五字相如之賦飄飄欲凌雲龍門之文落落有奇氣
屬以琴將煮鶴書不換鴛鴦有龜生券無驢賣問字之
酒屢覺其空束修之羊甚嫌乎瘦三更機杼難分隣女
之光百里儼糧莫貸監河之潤方朔臣饑欲死馮媛何
以爲家則有晴嵐哈都統者憫范叔之單寒喜鄒陽之
傑傲將軍愛士燒紅蠟以留賓驕騎憐才擊黃塵而饗
客自剝元狐之腋爲量體裁裘請呈白鹿之祥替揮毫
作奏酌叵羅而勸醉十觚葡萄聽刁斗之巡營一聲筆
策得以後駢同載長缺無歌牙兵供乎指揮校尉仰其

聲息酒邊說劍鬚作戟張席上橫刀膽如桶大先生之
願足矣都統之心猶未艾也乍浦有滿洲書院延先生
掌之以五經通儒作八旗都講牛心啖後塵尾揮餘名
高師傳之中座出元戎之右門前立雪多長槍殺虎之
材帳下談經有硬弩吟猿之技以忠信爲甲冑以道德
作干戈借詩書消強悍之風懼金鼓裂英雄之氣相與
安絃撫綬雅歌投壺夫子博我以文諸生以時習禮上
佐

夢駢一

二

聖主臨雍之化中慰司徒造士之懷下答都督傾襟之
誼將見戎行勁旅盡識文章技擊材官無慚儒雅分竿
角射春秋有講武之歡從壯獻猗草野備干城之選然
則此行也又豈徒縱轡壁門之內曉騎改容抵掌華屋
之間上公前席而已哉先生行矣僕夫歌驪候人如鷺
聘辭敦厚識儒將之風流傲骨嶙峋寬書生之禮數殘
牙尙健來食五侯之鯖豪氣能飛去奪三軍之槩他日
槐花黃後細柳營歸示我以金鉦鼓吹之詞鐵撥琵琶
之唱當細細挑燈讀之也

吳右匡營湖泛櫂圖序

涼波盪翠新蒲弄香魚咬葉而聽吟鷗選花而眠夢討
秋之句載諸孤蓬懷美之思飄自短笛雙槳攄綠一竿
釣青菱乍采而歌聞綸罷垂而謳起此吳君右匡營湖
泛櫂圖也夫烟波之汎通之紅鱗恬淡之情盟於白水

昔人理榜待月扣弦唱春草屬撈鰕竹闌闌鴨輕雲粘
乎簫笠落花點上秋蓑橫塘夢蛤之鄉疏柳垂虹之路
玉簫金管坐乎兩頭蜺妹魚姑窺之半面類皆寄情舟
楫招隱則蘿家妻孥於一船浮書畫於單舸雲山四碧
憺然忘歸矣然而纓濯空歌梁炊未熟纖儵可樂雖有
美乎濠梁倦鳥尙飛軌自罹乎簪繳語夫贛洲笛譜粵
港漁筒雕盤菰米之香碧潤芹羹之味未有不思拋塵
鞅願製荷衣秋水吟河潤之詩美人動遲暮之感煎茶
一具付之樵青沽酒滿瓶酌以太白盡棄田廬之事長
爲菰蘆中人也今右崖脚不插於軟紅心自澄於空碧
慕漁家之樂只傍鴛鴦賦彼澤之陂剛開菡萏小舫如

夢駢一

織遠山若無鷺一足而莎拳花四壁而艇礙點篙徑去
搖櫓還來則當夫紫蟹初肥銀魚爛賤放桃花之春溜
趁石鱖之秋風平波臺前尋煙而語畫眉橋畔解纜以
嬉移橈紅藕香中舉網綠楊陰裏錦鯉三尺躍諸船頭
銀蟾半鉤墮於篷背小令被之絃管閒情寫以畫圖幾
幾乎疑陶峴以水仙傲志和之漁父矣僕家住苕溪門
多楓樹數椽板屋築亦臨流一箇瓜皮牽之就舫徒以
歸心水阻鄉夢雲迷遂使青雀翹余白鷗笑我乖細雨
斜風之調貢鱸魚莼菜之期釣伴常招浪遊殊悔江南
秋好新詞宜唱竹枝渡口人逢畫幟須迎桃葉

謝范小庭餽高麗蓼啟

僕貧惟飲水潔似秋蟬病不禁寒瘦逾仙鶴鄙露葵之
心熱最愛瓜涼食崖蜜之齒甘輒嫌茶苦行同木槁肘
見柳生河魚之疾未瘳花豬之內無味亦嘗評量本草
檢校方書八月斷壺三年蓄艾而園中杞菊不賦龜蒙
井上麴蘗空號叔展醫未逢乎扁鵲骨欲出乎飛龍今
蒙上藥輕投靈芝之分餉長鑣刷去猶連瑤島之雲妙劑
量來尙帶金盤之露結仙根於海外珠草含胎鍾秀氣
於天南琪花吐豔細嚼則泉生舌本微噙而香滿齕間
勝燒不老之丹抵喫長生之果嗟嗟黃精當飯大可療
饑甘草代茶應能解渴歡防風之粥妄想延年噉茯苓
之湯便思益壽桃子難偷乎方朔刀圭要乞於姮娥絳

夢駢一

雪能嘗元霜願搗醅人休慮拜軍中羊叔之貽畫我何
須免洞口劉郎之采余有天台采藥圖

飢盤韻事詩序

名原可噉何來畫餅之譏瞻亦能豪請試題饑之手若
乃街隣米市廡賃僧房借香積之厨設花資之店元霜
夜搗嫦娥杵落三更白雪晨炊菩薩甘分一饌金刀碎
劃疑翻鸞闥之波粉甌勻蒸巧竊蟾圓之樣微和婆蘭
濃配糖霜每當賈客停橈遠人問姓青錢數去笑看姮
女蛾眉絳紙攢來彩奪蠻王獅子靡不堆盤小喫懷袖
分遺饑可饜乎老饕換欲脫之半臂吟邊細嚼詩添名
士之題茶罷輕拈香沁美人之齒遂爾聲騰蕭寺價重

花坊蓋閨蘭餘之以饌得名於平望也百年於茲矣爰有冷淡詩翁清饒經叟托來香鉢須問饌饌拆作蓮花但燒餽飪話新餐於臘盡粥鼓剛敲憶佳味於春前餽簫正脆一籠遠餽片月齊飛乍臨乞米之書恰過禁煙之候自笑黃蘗白飯老腹常枵試看玉屑瓊糜童心陡觸誇他巧製慰我調饑不煎李吳之酥爭說吳均之餅詩倡於丁敬身徵君而汪楞伽家鐵簫孫補雲吳鑄生王硯農諸先生相繼作之食譜新翻吟牋小擘嘗餘蜜餌點心可當梅花分得詩牌汗手豈同寒具妙各喻香口角滴粉毫尖徵名拒枚之先數典儲餽之外洵可補牢丸之闕品佐薄夜之新炊因小物之芳甘著才人之

夢駢一

五

吳右岑憶花詩序

望五雲之樓閣綽約多仙感一覺之煙花繁華是夢何況生來北里碧玉深藏家住青溪小姑未嫁而門前楊柳尙繁斑駁篋內羅裙已飛胡蝶有不心傷鴛牒腸斷烏欄寫紅愁綠慘之辭寄粉脂香消之恨也乎吳君右岑載酒石城訪春鐵甕陌頭脫帽笑看羅敷渡口移船偷迎桃葉破瓜十五情人樂府之詩窺玉三年臣里東家之對偶通眉語遂共目成歌捉搦於枕邊舞翩跹於

掌上脫指環爲贈心比金堅說紅豆相思淚如鉛瀉祇怕名花落去須教細馬駢蹄歸然而買笑錢慳藏嬌屋小量珠一斛奇貨方居剪燭雙條良媒苦託不得已而紅鸞生拆黃鸞單飛挂輕帆於丁字簾前遲佳約於辛夷花後盼天涯之書信卽是才人采山下之蘼蕪妾爲思婦蓋已口銜石闕骨瘦香桃悵別鳳於簫樓泣飛龍於藥店者矣迨至前度人來去年門閉朱櫳寂靜鸚鵡無聲碧檻淒涼涼蟪蛄在戶鎖呆恩之屈膝燕子樓空拋繡帕之纏頭桃花扇冷秋娘易逝春夢難圓女牀之鸞鳥不鳴古巷之枇杷亦萎青廬未拜紅粉先灰金縷箱中香雲半剪玉鈎斜畔涼月如絲委短命於輕塵哭美人

夢駢一

六

於黃土爰成憶花詩十首卽和王夢樓太守原韻也嗟乎薄倖名多返魂香少啼痕點點濕透鮫綃仙影嫋嫋呼來甲帳問賣珠之舊婢已懺空王邀記曲之鄰倡半歸廝養誰談往事祇益淒脾禪榻三更鬢絲催我棠梨一樹麥飯澆伊和落葉而悲吟苔繁絃之哀響題成斑管且鐫從蘇小碑中寫以冰紈請讀向朝雲墓上

黃柳橋先生秋夜填詞圖題詞

孤燈暈綠寒花媚紅疎雨催詩碎蛩啼夢吟情未洽愁懷轉深殷子譜經借梅梢而敲門撥落葉而尋徑以柳橋先生秋夜填詞圖索題濁酒不空素琴無悶匏尊且屬絃絲欲鳴則如瘦月穿簾清香炙硯花滴微露墨生

皺雲蠟盤淚濃鳴鑪斑凝汲井絲牽玉虎圍屏夢繞金
鷺宜其振笛辜聲截簫當諧貫驪珠之一索織鴛機之
九張香心亂飛好句如贈紅拈豆子黃指檀痕招明蟾
而訴愁和涼蟀以語恨新聲偶倚小令居多其或街櫟
敲冰簷騎走鐵哀雁罷喉病蟹歌吟淒風閃櫺薄寒到
枕梧桐秋影芭蕉雨聲剔銀釭而未明把金杯而不落
劍繡宜嘯瑟希乃鏗則又感慨捶銅低昂奮袖效促節
之舞發曼聲而歌殘星忽明短竹欲裂水龍調激火鳳
絃驚尤足與綽板爭雄金戈並噉也已長春病骨花蘇
秋心蟬抱海棠顛發香草詞成里耳錮諸箏琵琶名換
以斟唱安得逕攜酒榼遠拖漁舫打漿鴛鴦湖頭艤櫂

夢駢一

書魏于雲事

碧月虧輪紅粉都傷命薄黃金鑄錯青蛾最忌情多從
來閨閣之私半爲聰明所誤冰言未倩玉炫終羞然而
女子善懷春花有淚佳人殉節井水無波生慚白璧之
瑕死抱烏欄之誓亦可謂心堅匪石志決摩笄者矣魏
于雲者武塘良家女也秀骨葩含小名玉刻生成嬌靨
不用施朱闌出纖腰非因減食掌來掌上徑寸珠圓笑
擲眉尖兩鬢蟬蟬捉雙飛之蝶描上春衫采並蒂之蘭

初爲秋佩羅衣欲換薰添荳蔻之香粉袖微汗漸向桃
花之水況復解圍語捷詠絮才多辨第四之絃作行三
之妹每值紡軋月落繡榻花飛燒蠟淚以填詞招檀痕
而製譜閒攜珊管手鈔班婕之詩自割冰綃背畫洛神
之像不禁忍俊洵屬可人維是簫史不逢彩鸞未嫁罵
東風於窗下輕薄生憎拜新月於樓頭團圓暗祝其父
以爲良緣可卜快婿當求溫嶠非才玉臺誰贈阿嬌願
得金屋須謀故于雲年已及笄猶擇人而未字也則有
袁郎者賣賦相如尋春杜牧班雕得得只繫垂楊鸚鵡
喃喃巧呼香茗偶來城北遂住牆東魏翁憐范叔而贈
袍效伯通之賃廡得以雞棲粉堞燕宿雕梁與于雲織

夢駢一

八

室斜連鏡牀相向一篝燈暈夜讀聞聲半押簾痕晨妝
見影深憐未覺平視無猜輒輒機邊齒拚梭折冷絃
上心借琴挑半面偷窺三年不許逮至紫泥封就紅豆
吟成花唾毫鮮珠排字密循環展誦情語蟬聯觸緒經
綿香心蛹活竊念華年易候佳偶無多名士類悅傾城
才人半歸廝養倘得爺留齊贅歡住秦樓朱檻雙憑綠
牕並坐研來濃墨替改新詞畫得纖眉還修舊史聽鸛
罵燕花開而特倩郎吟碾粉調脂茶熟而連催妾和豈
非閨房豔福風月美談乎加以青鳥爲媒紅牋作合籬
無龙吹橋有烏填蛙睡三更蟾圓幾度梯邊響屐危扶
屈曲之欄花下含屏輕啟葳蕤之鎖仙原有路夢亦爲

雲於是瞞臂痕深捧心聲淺謂余不信書山海爲盟期爾無忘指女牛作證淚穿一綫諾重千金然而牧子無妻偶因雉感小人有母請以羹遺正夜合之花開適當歸之藥寄兒裝已束祖餞難留因而泣飲烏烏誓申旦旦春風多厲須慎寒溫此後相思但加餐飯檢篋中之鍼綫繭指憐儂兆鏡裏之芙蓉顰頭盼汝風生帆滿潮落船平鳳去簫孤雁來書斷袁郎歸告母母沮之告兄兄復尼之婚絕秦歡偶嫌齊大母兮不諒妄信讒言伯也無知忌招美婦時妨嫁杏期恨愆瓜蔣氏子某蘇季金多子南服盛壻非玉潤郎是貲捐爲謀鵲鏡之緣思作鸞篋之奪遣媒白魏魏翁許之將委禽焉于雲口似

夢駢一

九

味茶心同止棘花羞木接瑟忍絃移舊約終尋不改絲蘿之訂新歡勉續難迴鐵石之腸梅子含酸杜鵑啼血爾迺倉皇計盡決絕辭哀短札紅緘秀髮綠剪金銀羅帶無非絕命之資約指搔頭總是傷心之物碎妝臺之明鏡何苦長圓燒佛座之清香惟求早滅竟爾懷貞抱璞賁恨投繯花無語而色已全枯石可煮而情終不爛歿後得其遺袁郎書五遺姑別父母書各一類皆矢志相明椎心自訟是癡是慧亦淚亦聲錮盒淒涼不信紅絲誤我雨雲翻覆願將白骨酬君彼袁郎者始爲趙璧之求終作齊紈之棄不克藏珠憤裏留燕裙邊雖非李益負心畢竟元稹薄倖其何以解此情於終古謝彼美

於重泉乎嗚呼香魂渺渺喚已難回仙骨嫋嫋寧可活紅顏有恨竟成小劫之灰黃土無愁不作再生之想一枝花葬五夜霜飛今者寒食人來新詩鬼唱苔痕細剔請題碧蘚之碑麥飯誰澆替掃紅梨之墓告名姝於幽夢乞幼婦之香辭彩筆慚余青衫慟爾過馬嵬而展拜千秋長恨之歌拾鴛瓦而書銘三尺埋香之冢

謝吳子音先生惠漆沙硯啟

龍睛點後忽現光明蟹爪爬餘惟聞郭索塗成丹蘄樓臺生金碧之輝借作飛揚圖陣肅風雲之氣然而工加栗飾詞唱浪淘粘或如膠擲堪作飯不過三分入木一夜量籌作宮並詠於椅桐映日偶成乎篆籀未有圓池

夢駢一

十

巧鑿可當猪肝瘦骨新磨能生鵠眼者也長春術少點金錯空鑄鐵眸同糊漆妍媸之鑒易淆學比搏沙鉢兩之功難積徒念山猶攻玉石可名田幸曳白之無慚將守元而終老所恨銅臺雀墜玉滴蛛乾舊琢塵埋新陶土蝕雲腴一片巖壑深寒坑老千年蛟龍出沒愛讀襄陽之史難求鬱林之裝茲承尺璧隆頒百朋珍錫雕盤光勳產自新羅古洞霞蒸披從博浪黑水是煎熬而出紅爐經鍛鍊而成比特達於圭璋補新編於金石攜來袖裏似華嶽之輕雲洗向池邊等泗濱之浮磬匣原可捧冰不煩呵從此更穎新開麋九小試韭花薤葉佐我標題茗椀琴牀商他位置定必千金紀惠幾字鐫銘墨

欲磨人可歎世途之黑漆石能生我勝藏勾漏之丹砂

約同人聽陳雲圃女郎彈琵琶啟

舞衫歌扇何妨我輩鍾情酒譜花盟大抵人生行樂況復渡頭船到桃葉堪迎陌上桑青柳枝未嫁纖纖約指能調火鳳之絃嚶嚶新簧解作春鶯之語倘不香車喚去響板傳來玉腕微明燒盡三條紅蠟金杯不落消將幾箇黃昏其何以陶寫閒愁勾留羈緒乎雲圃女郎青蓮孕骨碧玉鑄名影倩鴻鶯香多蝶戀相逢問姓家居鸚鵡湖邊生小同鄉門掩枇杷花裏拋來紅豆但記歌聲畫得烏絲自抄簫譜思華年而鼓瑟出素手而鳴箏市上人過輸金錢而滿袖燈前曲罷擲錦繡而纏頭今

夢聯一

十二

者帆借風吹裾留仙住么絃漫撚驚飛裂帛之聲短拍新教彈出傾盃之序半面之檀槽側抱一雙之玉柱交橫僕紅粉私憐青衫慣濕江湖載酒曾留薄倖之名花月填詞又下多情之淚燭痕短後茗味同時相與伴盡論心更衣話舊頻年飄泊難禁萍絮之愁此夜淒涼遂觸荻楓之感一蕉飲我半臂遮伊所恨季子金空相如裘典題成小扇請用歌償量要真珠難將詩換爰陳草酌專俟華軒蟾光挂楊柳稍頭象板放海棠花畔寧嫌杜牧發酒後之狂言願願周郎顧筵前之誤曲笑任青蚨買去醉教紅袖扶歸嚶絳樹之雙聲代黃鸝之三請相邀知已來聽細抹粗挑忍把浮名去換淺斟低唱

春勝視殯圖記

宿草淒碧野棠媚紅鶯啼無聲鵲哭有血蒿徑通展苔花繡棺一坏之土未封數椽之瓦如屋此吾友李君鐵笛殯宮也歎逝之賦感愴夫年華思舊之情纏綿於夢寐憶夫玉樓遽召錦囊已灰元伯發喪精靈通之范式荀郎年少後事託於鍾君輒復彈琴慟今挂楊傷往餘哀貢諸絲竹泣淚化乎瓊瑰何況華表來歸不見令威之鶴芙蓉誰主未報曼卿之驟舊札蝸涎新阡鼠走倘匪踏蘼蕪而喚汝隨蝴蝶以尋君剪紙招長吉之魂釀酒哭喬元之墓何以洩楚歌之哀些慰若敖之餒而爰於上冢之天廼舉祭壻之禮斯時也飛絮織恨孤蓬盪

夢聯一

十三

春綠陰翳其半溪遠山露之一髻燕麥漸秀鶯箏忽鳴孽陳根而涕零思往誓而腹痛香炷乍熱詩篇雜焚野菽初陳乾脰遂薦梨花之飯飽之滿盂茅柴之耐酌以三爵展拜未已孤魂可呼白楊蕭騷兮似秋紅日慘澹而欲暮肴核既徹紙灰亂飛寧無死後之靈尙疑生前之飲肥魚之社約鬼客於田間隻雞之局訂詩人於地下亦可悲矣嗟乎明明玉樹竟爾長埋黯黯黃墟何堪再過夷門客到共悼信陵之亡隴上吟成無補陳安之弔雖復生芻可奠寶劍終懸驢鳴效於靈牀牛眠卜其佳宅而盤餐小具寒食空來卮酒爭澆九泉難到亦何解乎狐兔之哀號松栢之亂拱也豐碑未豎誰表東郭

之銘短調休吹怕聽隣家之笛圖爲翁小海維所作會
者七人唐子珊先生壽芎吳右岑渙孫九靈靈琳秦子
青文元孫琴恬激陳子松壽熊及余時甲午暮春十有
二日

夢駢一

三

夢花亭駢體文集卷第二

烏程陸長春辨香著

范白舫先生苕溪漁隱詞序

風笛飄枕秋花壓蓬翠綸一絲烏箋三尺鱸味剛美鷗盟未寒白蘋弄其暗香紅菱熟夫軟角繫榜待月攄船犯煙徘徊於雁際蛩邊延佇於露初星晚茶夢且索琴歌相問茅柴之酒沾諸下簪水調之曲唱自前溪其惟吾白舫先生苕溪漁隱詞乎蓋其情淡若秋心閒於艇瀟湘之佩非美人其誰貽薜蘿之思惟香草兮可語塵網乍脫烟波似招商量買山之錢安插浮家之願舟可當屋花皆是隣簫管坐乎兩頭妻孥載之一舸雲水之

夢駢二

一嘉業堂校刊

趣發之長吟蓑笠之圖描以短幅省然意遠邈乎思深矣當夫涼雨跳珠遠山露髻棠梨波碎椰圍鏡圓蜻蜒立乎帽簷銀魚躍自睨眼彼澤之什惜菡萏之已殘橫塘之夢笑蛤蜊之爛賤湖莼箸滑石鱖盤肥則且敝舫而歌倚楫而語斜風細雨請填漁父之詞流水桃花又換竹枝之體飄飄乎落落乎吹鸞鳳之清音洗箏琵琶俗韻焉迨乎釣鴨船歸賣魚人去蘆汀路黑老蟾忽明夢淑煙昏瘦蟹初上雁檣搖綠鰕筒放青拳鷺貢其閒情睡鴨酣乎涼夢亦復孳聲月底討句秋邊訂簫譜之謠寫笛家之怨銅斗響拍連呼大白之浮香絃亂鳴低喚小紅之唱尤覺嘯傲自得鬚眉欲仙江湖有此散人

山水驚爲知己矣猥以賤子不才濫廁詞壇末座摸魚之調短竹橫吹采蓮之歌雙鬟暗度偶拋初服來換浮名舊遊翫畫溪頭久客櫻桃湖畔乞子胥之麥飯憶淮陰之釣竿亦思舴艋輕租陂塘徑買攜將茶竈掉入荷花狂吟樂府之遺笑譜漁家之傲適投綺製愧報瑤華錦鯉書來腸斷天涯草碧洞簫曲罷夢留江上峯青

范白舫先生苕溪漁隱詩序

夫麋鹿之性羈縻乎山林猿鶴之思習狎乎松菊餌纖鱗於碧沼不如江湖之樂也閉綿羽於雕籠不若榆枋之適也人有寄情巖谷戡影燈蘿晚菰佐餐大餅當飯卜燕子之宅買桃花之田紅雨衝而翠雲綠蓑披之釣

夢駢二

二

月一旦芒屨裹脚席帽蒙頭短鬚飛霜輕裝似葉酒味苦澁離懷亦醺燈光滄涼鄉夢更瘦未有不征鴻怨往瘡馬思歸櫻筍數於春厨莼鱸憶夫秋箸如吾白舫先生者重有慨焉先生唾地文成凌雲筆健塊壘盡去書多貯胸穠華自來花豔堆吻精金曜於爐冶古調應乎管絃宜乎出手得盧舉頭見日吐金華殿裏之語然天祿閣中之藜卽不然而雁稅租宅牛衣免泣盟鷗訂鷺漁父歌之志和種竹養魚家風嗣乎少伯婚嫁可畢煙波爲徒而乃蟲號杼寒隨押券賣救饑惟堪煮字仰屋何能著書於是短刺自懷長袖起舞細弱并載謝夷駢之送孥壺漿遠迎勞勤莊之置驛獨漉澆熟聽輪蹄

之聲采薇采薇微吟柳雪之什笛韻送晚鞭絲弄秋所
過白帝城邊周郎壁下入蜀拜武侯之栢浮湘式屈原
之閭劍閣淋鈴製曲淒聞苦雨漢皋解佩通辭笑託微
波投詩而贈海棠攀條而泣楊柳薛濤井豔花落寒泉
神女祠荒狐鳴夜火靡不摩挲銅狄酣飲泥壚尋臥薛
之斷碑認沉沙之折戟弔古之作馳騁乎風雲當杯之
歌激昂乎金石其音律壯也其感慨深也今夫高臺置
酒山川足以盪胸廢壘談兵箏琶因之變調是以雷公
筆法江聲助其洶涌焉成連琴音海水資其飛舞焉使
徒維繫馬樞視息蝸廬耳不聞風濤澎湃而鳴目不睹
嵩華岌屹之險雖復鬚眉盡脫謠詠相聞而社鼓村絃

夢駢二

三

難希韶諫之奏街談里語羞稱冠裳之倫非井底之甕
卽遼東之豕以視夫花開吳市壯士吹簫日落函關酒
人擊筑其間相去奚翅徑庭然則公之心至老而未衰
公之詩殆窮而愈工歟長春諛墓金空買山錢少蕭蕭
葛帔難禦西風翟翟竹竿悔拋白水每念黃柑晚熟紫
蟹秋肥杭稻初香芋栗正美亦復鄉書繫雁客劍歌魚
思耘東臯之煙去種南山之豆他日長卿游倦季子來
歸相與射鴨撈蝦烘茶焙筍賞桑落之釀和竹枝之辭
雞豚往還杯盤贈答當相視而笑也關山在望想騎欵
段從公消息難忘幸折梅花寄我

范白舫先生漢口叢談序

樓頭擲笛落五月之梅花馬上攀條感昔年之楊柳則
有賣驢博士騎鶴寓公負雞犬之典於吳宮搜龍威之
書於禹穴仙槎似葉裏糧探黃河之源零雨其濛破斧
詠東山之什忽爾輕裝赴汴長風渡江攬宿莽於汀洲
采石華於遠渚鄉心一箸來食武昌之魚家書萬金去
附衡陽之雁意惟是愁彈劍缺夢落刀環歌山樞蟋蟀
之篇灑香草薜蘿之淚然而登高而作賦者大夫之志
也乘輅而采風者太史之職也吾人釋朝名區弛擔樂
土玩其風物韶秀山川遡縣舊雨能來濁醪無恙亦宜
囊琴憶往捉酒談今徵里衍之新聞補輶軒之別錄如
吾白舫先生漢口叢談一書誠宛委之奇編嫵媚之秘

夢駢二

四

笑也今夫齊諧諾皋志仙鬼也而人以爲誕矣廣輿益
地象河嶽也而人以爲侈矣沿至小說託於虞初秘辛
雜之漢紀拾遺博物競祖荒唐天寶開元豔談宮禁徒
襲賣鼠販龍之弊初無筆鉞墨炙之奇此書則古錦爲
囊粲花作論明明列宿羅於胸中歷歷諸峯現之掌上
太冲著賦筆札堆諸戶庭仁裕瀟腸沙石皆成篆籀每
當鶯初雁晚竹所花邊苦茗澆來瘦筇扶後話前遊於
僧寺滿地斜陽數往事於賓筵一場春夢有句皆畫之
壁無語不登於心耳目所周卷冊遂富尋其體製可得
言焉昔禹貢爲治水之書爾雅有釋山之詁一瓢斟酌
味判淄澠五嶽登臨形如培塿類各擬思光之傑構資

少文之臥遊公導歸家之源流躡香爐之前芳汚口涇
口溯其奔騰大別小別抱之蒼翠湘江似練迴環襟帶
之間楚岫如鍼描畫鬢髮之品足以破鄢元之謗陋起
郭璞之膏肓至於步履尋幽攜尊弔古郎官湖畔鷓鴣
啼向春風神女臺邊麋鹿遊於芳草拜息嬌之廟桃花
黯澹而無言觸太白之樓明月團樂而入抱時復然犀
燭暗縋縋探深鴛鴦之墜瓦飄來銘鏤銅綠蠹鼠之殘
碑讀出字剔苔紅蟲語悲秋辨前代帝王之豕雞聲唱
夢問千年雲雨之鄉筆點春花淚如鉛水若乃通閩帶
閩近肆遙屋裊比戶之炊煙放連宵之燈火笙歌紉縵
一條軟繡之街車馬喧闐十里闌紅之市鬪揚州之甲

夢駢二

五

第花月千門分淮海之銅山魚鹽萬井其間茶寮酒望
餅確饒坊仙翁賣卜之簾老嫗送花之店靡不瞭同指
掌朗如列眉窩可號夫銷金圖自成於畫地他若獅王
琳宇鹿女珠宮開青豆之房借黃梁之枕一天花雨飛
來簷荀香中大地金銀湧出華嚴經裏偶憶寒爐煨芋
夜泊聞鐘踏葉尋僧拈花獻佛激揚枝水來談彌勒之
禪參玉版師且喫伊蒲之飯因而誦毘伽之梵志拓頭
陀之碑文鎮玉帶於山門誌紗籠於粉壁謂非繞樹皆
鳴音樂彈指卽現樓臺者乎夫當陽旣征戰之場鄂渚
實烽煙之地曹瞞兵覆燬火連江陶侃軍屯旌旗蔽日
河北之鴟兒未去關東之蛾賊復來公對赤壁之山紀

黃巾之亂守陴皆哭眾志成城狹巷無聲殺人如草往
往燐飛星碧血染花殷拾臥雨之殘槍出沉沙之斷鏃
秋墳鬼唱猶聞鼙鼓之聲夜月孤鳴尙戴髑髏而舞低
徊不盡感慨係之復有鷓鴣才人蓮花幕客猪肝啖罷
牛耳操餘遙聯贈綺之歡盛作題襟之會黃雞白覓小
局招邀綠酒紅燈狂吟跌宕自晨星零落古調淒涼
歇旗鼓於騷壇點姓名於鬼簿宜乎手鈔珠玉泣墮瓊
瑰嘔血生前僅把殘編付我招魂地下焚將佳傳酬君
聊彈雍門之琴似答山陽之笛下至西隣歌舞北里煙
花荳蔻梢頭枇杷巷裏拋來紅豆記豔曲於妝樓濕遍
青衫聽哀絃於酒座鬢絲如雪老大傷余骨瘦于桃風

夢駢二

六

塵誤汝亦復閒情婉嫋綺語蟬聯鬢影衣香珊珊紙上
飛花落絮去去天涯畫榜嚴十種之仙觴小杜前番之
夢洵可抵板橋之雜記補樂府之新題也已嗟嗟白水
盟心舊約難忘鷗鷺紅塵插脚浮生易逐輪蹄驚瞥眼
之風花年華似箭仰打頭之梁屋窮愁著書今者司馬
歸來子雲老去禪房借月吟榻安花茶夢剛圓詩懷幸
健飫家鄉之滋味紫蟹銀魚尋先子之釣遊斜風細雨
方擬綸竿假我蓑笠描公租放鴨之船唱摸魚之闋言
而不食樂此忘疲不謂菱角初香萍花又散三更嘯詠
再上南樓百里煙波暫辭西塞勿勿鞭鐙難淘鷓鴣之
愁草草杯盤莫與雞豚之社未免情深潭水淚落江湖

乃於騷歌之在門下付鴻篇而督序既洞窺夫全豹遂勉測以寸蠡明年春水生時盼到紅鱗之信今夜秋衾擁後夢爲黃鶴之遊

秦公嘯廬傳

公姓秦諱丕烈字啟人一字嘯廬江蘇震澤縣人祖某父某並門高通德隱有藏書三歲食貧不改絃歌之業一經教子特發芝蘭之馨公秀質同葩奇姿似玉送來釋抱上應謫星試到啼聲知爲英物識之無兩字齒是初生辨燈盞四聲角猶未總年十四通春秋三傳黃童爲江夏無雙叔開乃洛中第一揚華布實說詩輒解人願抽秘聘妍摘詞必求已出邑侯吳公見其所作文大

夢聯二

七

加稱賞持白學使侯官平公公謂其文有蘇韓氣洵不誣也健翻方張選處忽引怒鱗急鼓弱水偏沉公以確率之材吐光芒之語即使桐幾入癡蕙已遭焚亦何難懸斷布而再登跨強臺而直上獨是長眉高髻羞爲時世之妝簪弄么絃恥習淫哇之唱而且疏水之樂未必遜於玉饌金炊也苑囿之歡未必適於長林豐草也於是絕簪纓之想策枕菲之動著鴻烈萬餘言鈔蟲書八千紙纂癸辛之雜志鉛槧忘疲拜庚子之五經衣冠必謹蕭該推漢書宗匠阮秀是儒林丈人令聞所彰學者慕之夫季野四時之氣備於無言叔度千頃之波擾之不濁公純修是踐安宅能居雅量比乎海涵信諾逾於

鼎重含貞履機有仲弓之稱抱潔懷清得伯夷之聖嘗游鹿城見遺金追其主而返之師還帶之風等傾囊之饒足使盜牛而獲者自諱其姓名懷金而謁者稟知於暮夜歲癸未江南大水淹沒居民田廬無算公哀彼鴻蒼拯諸魚腹募同志者捐資若干以粟隣里之無告者不給至典衣助之桑梓必恭壺漿不吝殘骸苟活爭歌續命之田破竈無煙盡仰通腸之米惠之溥也仁莫大焉禮樂三千光陰半百絳帳之測時聞鼓琴青蚨之來卽以換酒常作詩歌自娛旁及繪事醫理靡不精擅每當庭花落後爐茗香餘藥苗初肥鳥哢如語輒復解衣盤礴奮筆淋漓浮以三蕉持蔗竿而舞吟安一字拍銅

夢聯二

八

斗而歌家居十年忽忽不知其樂也公所著有嘯廬文稿十卷詩三卷雜著八卷於道光己丑十二月十七日卒年五十有三子二長鴻壽次源余與源縞帶聯歡青燈勸學堂前拜母豈無公瑾之交酒後論才猥有元龍之譽屢陳先德屬表遺徵嗚呼令威之鶴歸來城郭不殊於往日于公之門必大詩書勿替乎後人

李君鐵笛傳

辛卯之歲余來鶯湖獲交李君鐵笛見其姿標鶴立儀度鴻壽醺味若飲醇醪清言如霏玉屑孟公入刺一座皆驚超宗到門不衣自煖時吳右岑昆季孫九靈秦子青孫琴恬咸與君樂數晨夕余亦時相過從近局招邀